

K29
H819
:14

中國方志叢書·第十四號

據清·光緒十八年刊本
清·羊復禮修梁年等纂
影印

廣西

鎮安府志

(全)

562/19

成文出版社印行



鎮庖底志

炎繼
辛卯
二月
壬辰
月
離
坤

序

志乘之辭昔人論之詳矣古之作者或失之簡今之作者或病於繁簡而不畧錄而不濫義正而詞雅事確而文核求之近世豈易言哉辛楣太守以光緒十五年冬權署鎮郡政事脩明百姓安樂乃以簿書之暇取郡志重加脩輯成書

二十六卷既受代返省剞劂告竣索序於余披覽一過宏綱細目具有條理先之以

訓典

繼之以表德之以志原書之缺者補之冗者汰之訛者正之斟酌繁簡之際而各得其宜可謂擇之精而語之詳矣其於地理沿革攷證尤確舊志謂鎮郡在漢屬交趾郡蓋沿水經及顧氏方輿紀要之誤辛楣據陳

氏澧水徑注西南諸水攷謂文象水即今
廣西浛洐江源出天保縣為漢句町縣
地隸牂柯郡此水東至陸安縣西北入
西洋江又澄以齊氏名南水道提綱亦無
歧異是鎮郡之溪非屬象駐無可疑者余
按陳氏澧漢書地理志水道圖說亦言文
象水今天保縣浛洐江東流至上林土縣

入西洋江攷胡文忠所刊

大清一統輿圖浛洐江東流北折而入西洋江兩
水皆滌繞上林土縣是陳氏之說亦信而有
徵也鎮郡接壤越南涂徑修錯自法越構
兵以浚潰卒兇徒叢於越境島嶼林伏不
可爬梭沿邊數百里土旅雲屯以守以禦
閭閻賴以安宅詞候稍不嚴則蹈瑕抵隙

慮為邊患近年升歸順為直隸州改小鎮
安廳為鎮邊縣屬於歸順而下雷州湖潤
寨亦改隸歸順凡以控制邊疆不能不因
時變易耳官斯土者議安攘之策籌鎮
撫之宜扼閩隘之險要害藩籬之慎固將
於是備考鏡得失推求治亂鑒前車而戒履
轍所係顧不重哉昔趙甌北以碩學鴻儒

來守斯郡以聲洋溢是時郡志甫修甌訂
甌北未與其事今幸補甌統續學能文乃毅
然成此巨帙宜其所作援據精審至於訓詞
爾雅裁制有法亦未始非近人之所難也余故
不揣謏陋輒為弁言於簡端云

光緒十有八年歲次壬辰季冬之月撫粵使者
江都張聯桂序

鎮安府志目錄

卷首

舊序 舊志目錄 原修姓氏 舊志凡例

卷一

訓典

卷二

沿革表

卷三

職官表一

宋 元 明

鎮安府志 目錄

卷四

職官表二

國朝

卷五

職官表三

武職

卷六

土司世系表

卷七

選舉表

進士 舉人 五貢 武舉人 秩官

武秩 封贈

卷八

輿地志一

分野 氣候 風俗 方言附

卷九

輿地志二

疆域 圖附 關隘 圖附

卷十

輿地志三

鎮安府志 目錄

山川 水利 津梁

卷十一

輿地志四

戶口 墟村

卷十二

輿地志五

物產

卷十三

建置志一

城池 圖附 廨署 俸庫役食附 圖附

卷十四

建置志二

學校 國地 壇廟

卷十五

建置志三

書院 賓興經費地 圖地 義學

卷十六

經政志一

田賦 積儲 鹽法 礦廠 土貢

卷十七

鎮安府志 目錄

經政志二

兵制 土兵地 郵政 孤貧口糧

承審土司事件

卷十八

紀事志一

唐宋元

卷十九

紀事志二

明

卷二十

紀事志三

國朝

卷二十一

勝蹟志

城址 署宅 園亭地 祠觀 塚墓

卷二十二

官績志

循吏 忠烈 土司

卷二十三

人物志一

鎮安府志 目錄

孝義 循良 忠烈 文苑 耆壽 耆婦地

卷二十四

人物志二

列女 仙釋

卷二十五

藝文志

雜文 雜記

光緒重修鎮安府志凡例

一舊志斷於乾隆丙子迄今百三十七年矣當時創志八卷紀載殊畧今遠稽舊聞近攷檔案成書二十五卷爲

爲表六曰沿革曰職官曰土司世系曰選舉爲志十有八曰輿地曰建置曰經政曰紀事曰勝蹟曰宦績曰人物曰藝文子目各以類從其體例概仍舊文畧爲分併增損乾隆丙子以至嘉慶辛酉則一以謝蘊山中丞通志爲準辛酉迄今亦九十餘年簡策散佚文獻莫徵且鎮郡僻處蠻陬迭經兵燹時事變遷疆域革隸輿地經政不無因革損益茲僅憑殘闕之檔案暨採訪所及者重爲綴輯自愧幹才難免疏漏其謬謬無徵者不敢羈入

一舊志藝文志首列

論旨今從通志改爲

訓典敬弁全書並以蠲卹附後所以重

王章而紀

盛典也至

御賜匾額仍分隸各條之下不復立

宸翰一門

鎮安府志 重修凡例

五

一舊志沿革山川兩門皆據明史土司傳及顧氏方

輿紀要謂鎮郡在漢屬交趾郡通志因之今攷陳氏澧水經注西南諸水攷以文象水爲今廣西潯江源出天保縣爲漢句町縣地隸益州刺史牂柯郡引班志爲證且明史地志齊氏召南水道提綱言浚潯江與今日經行之道無異其說較爲確鑿歷稽前代諸史及輿地各書亦無他歧因攷核源流爲沿革表及水道總攷以糾其誤非敢旁徵遠引徒侈繁冗亦不敢率憑臆見指摘前賢竊附糾訂之義貽譏大雅匪所顧焉

鎮安府志 重修凡例

六

一明史土司傳類多錯誤通志舊志因之故於譜系世次年代承謗襲謬自相抵牾今徵引原文攷之譜乘畧爲訂正非敢妄爲辯駁竊願爲前賢攤筆焉

一鎮郡疆域自歸順州升爲直隸州改隸太平歸順道小鎮安廳改爲鎮邊縣下雷土州湖潤寨均改隸歸順惟奉議升爲知州增撥土田州一里三都及海混二圖疆域較前志革隸過半幅員狹隘不無今昔之殊所有歸順各屬職官宦績選舉人物等門均以光緒十二年改隸之日爲止其餘各門

均未開載以昭限斷且此次重輯無從搜採僅據舊志所載及見於檔冊者書之非敢闕遺亦體例斯然爾

一道咸以後兵事均取裁於昭忠錄平桂紀畧股匪錄堂匪總錄等書其採訪者間登二三以昭慎擇

一人物門孝義忠烈列女等類已請

旌入祠者均經纂輯其採訪所報而未經具結請

卹者概不列入有待續補若傳聞失實偶有問言纂輯者

無從甄叙閱者諒之

一徵引各書均本原文至與舊志今昔互殊及間有

鎮安府志

重修凡例

七

疑誤以管見附參攷證者均加謹案二字以別之

不敢襲美亦不敢沿訛

一舊志藝文內彙列疏議序記詩賦列傳等篇今從

石湖范氏吳郡志例以詩文分註各條之下間有

蕪冗不辭妄鄙畧爲刪潤用資紀載此次所搜碑

碣亦同此例其尙有遺佚及時賢題咏之作仍列

卷末以備他日採取

一凡遇

廟諱

御名均恭缺末筆並加口以昭敬謹不復改寫他字以滋

混淆

一部臺以迄牧令例皆稱名今從舊志

一舊志各門類於卷首均有小序卷末復有論斷今

擇其有關掌故風議者列入餘則概從刪削不復

另作小序以省冗贅亦通志例也

一是書纂始於光緒庚寅春季成於辛卯八月其間

甫逾一載採訪搜輯爲時甚促且舊志剝蝕過半

斟酌難鎮郡素鮮藏書行篋亦未儲備淺見謬

聞徵引駢駁末學譎陋慙非專長訂譌補闕有待

來

鎮安府志

重修凡例

八

一是編於辛卯春季先將寫定之本促付梨棗尙未

及半旋經卸篆携回會垣陸續付刊未能悉心讎

校魯魚亥豕在所不免望閱者有以訂正焉

一是書以辛卯八月爲斷以後各事例不備載

光緒十有八年歲次元熙執徐八月前署鎮安府

知府海昌羊復禮謹識

光緒重修鎮安府志衙名

纂修

署理鎮安府事補用知府羊復禮

協修兼參閱

提舉銜天保縣知縣洪杰

准補鬱林州知州奉議州知州李霑春

鎮安府教授授盧煥絃

五品銜升用知縣向武土州州判楊必康

署都康土州吏目試用從九品洗鼎輝

分纂

鎮安府志重修衙名

九

奉議州學正梁萬年

候選訓導歲貢生汪紹華

優增生徐鴻晉

採訪

知州銜前署雲南陸涼州知州補用知縣麻時培

卽選知縣黃天懷

儘先選用知縣候選教諭前署西林縣訓導農春元

候選教諭恩貢生劉耀先

候選教諭恩貢生易靜

候選訓導歲貢生廖文皆

候選訓導歲貢生李榮升

候選訓導歲貢生羅美煥

生買羅球

監理

向武土州知州黃炳政

都康土州協理馮世勳

上映土州知州許乃文

鎮安府知事范釗

校對

候選訓導歲貢生農圖儒

鎮安府志重修衙名

十

廩膳生譚其桂

候選鹽大使使羊汝伊

雲南試用府經歷麻兆鶴

生買黎肇黃

繪圖

五品銜候選道庫大使趙光煦

膳寫兼督刊

候選從九品鄒惠

光緒重修鎮安府志採訪章程

一壇社如神祇壇社稷壇祠廟如文昌宮武

城隍廟昭忠祠學校書院如學田書院膏

解署寺觀自乾隆二十三年以後有經創造者有

於何年月日被燬復經何官何紳於何年月日重

建重修或移建他所者均須備載並將碑文錄送

如被燬未經修復者亦即載明

一忠臣義士及為義於鄉邑者孝子悌弟親兄弟

友愛確有奇及咸同以後殉難各紳民又節婦守

節表著者烈婦被兵殉節及夫貞婦遇門守孝女出

立者均宜搜羅詳載如有原傳碑銘者均宜錄送其節

烈守貞婦女前經出示曉諭並頒格式單飭由州

縣及蠶善詒惠兩局詳報至今寥寥務宜趕速呈

報以便彙案請

旌其業經何年請

旌而前志未載者該紳民子孫亦宜一體詳報載入志乘

俾垂不朽而勵風化

一名宦有功德於民為地方捍災禦患及循良卓著

謨頌歷久不衰者均宜採入以為官於斯土者勸

一鄉賢品行端粹學問淵深或出仕或隱居能為鄉

閭表式確有事蹟可紀者均宜搜採以勵士行

一耆壽年及八十以上者

朝廷例有旌賞如有年登耆耄五世同登者均宜搜採以

彰人瑞壽婦同

一名賢著作如有博通經史洞明韜鈴輿地律歷算

學及著有古文詩詞者應將原稿呈送府署以便

採入

一土司承襲各官年月世系自乾隆二十三年以後

均宜詳報以便採載

一現在新增墟市村庄及增修橋梁道路並增修農

田水利者均即採訪載入並將碑文錄送

一各處義學社學凡自乾隆二十三年以後查有興

廢原委及現經增設者均宜載入

一進士舉人五貢副優及捐納職員出仕外省及

曾任教授學正教諭訓導各官者均即詳報武進

士武舉人及軍功出身曾授職官者無論已故現

存均一律採載

一曾膺

品封各員及殉難得

恩應雲騎尉各項世職者均卽詳報載入

一咸同以後被難戰守情形如有故老傳聞及身親目睹者皆應臚列備載又祥瑞裁異爲祿祥如確有睹記者亦卽詳報以便採入

以上各條如州縣各學有檔冊可查者卽列冊詳陳其必由紳士採訪者卽延請紳耆之學問優長誠實可靠者廣爲搜訪尅期待纂以光志乘毋稍遲延疎漏是所厚望焉

鎮安府志

採訪章程

主

沈序

歲戊辰余奉

天子命分巡左江

陞辭之日恭聆

聖訓諸切誠論退而深維

國家聲教四訖繼微向化

聖王不出戶庭周知八極奉職邊隅者政不精明持重務詳

究其土地險易之故深悉其風俗政教之宜殫心力於

保障以仰副

聖王綏柔之至意余抵治甫三日即奉檄勘鎮安府屬歸順

鎮安府志卷首 沈序

州崑漢卡交會新案同是役者爲余宗人嘉徵時由鎮

安調守太平其一則署鎮篆許君朝公事既竣二君告

余曰鎮雖蕞爾地已儼然郡矣疆域有定田賦有經以

及官制邊防民風土物俱宜有以垂示永久向以改流

最後志乘闕如我二人先後來守是邦不敢置爲末務

已委天保令康君世德延靈川進士文君兆夷經始編

纂今幸旌節辱臨願指授梗概俾得就緒余領其言謂

二君之克稱厥職卽此可徵已嗣二君相繼去郡迨庚

午冬郡守蔣君調元始繕成稿本請余裁決適奉

命陳臬潭州趨裝就道遂攜存行笈抵潭後諸務稍暇乃取

而釐定之夫粵西爲西南屏蔽左江爲粵西邊徼而鎮

安一郡在左江之西鄙余嘗巡歷所轄見夫漢土錯壤

隣接外夷太平爲最鎮安卽次之郡屬有九而五爲土

官世職四與交趾逼處余自崑漢旋役每經江山險阻

之區甲崗稠萃之境輒訪其道里遠近與其土俗陋瀆

亦庶幾知大畧焉蓋自改流官以來泊今二十餘載賴

天子明聖皇威遠暢又得循良守牧相繼爲理導揚至治地

雖僻在荒陬而頑穢悉馴烽煙不警然思患預防之道

未可一日忘也儻非有紀載之書昭茲來許則後之莅

斯土者何以周知險易之故政教之宜前規後隨以得

鎮安府志卷首 沈序

因勢利導之術歟卽生長斯土者又何以今日之朔南

暨訖內外教誨皆蒙

天子明聖之休因以收守牧循良之效而致潤澤豐美有如

是歟則郡志之作誠如二君所云非末務也余故聿觀

厥成爰弁一言歸今太守朱君倬俾壽之梓

乾隆辛未長至通議大夫湖南長沙等處按察使前廣

西分巡左江道烏程沈世楓撰

楊序

鎮安故蠻區其地險阻其民獯獯其俗喬野其言侏儻其建置沿革略載前史在宋稱岡在元稱路至明始改路爲府領以土職使因俗爲治羈縻之而已迨我

朝

初年土官故絕乃改歸流設通判屬右江思恩軍民府雍正初改設知府隸左江遂儼然爲粵西要郡矣郡則有志向以荒徼記載缺如乾隆初郡守沈嘉徵許朝蔣調元相繼削稿屬左江道沈君世楓裁定書雖成於庚午實斷自戊辰今守傅君堅取而續編之補闕訂訛別爲體例燦然可觀如星野則定其屬軫不屬翼氣候則

鎮安府志卷首

楊序

三

明其爲陰濕非炎燄疆域則廣袤有辨而不沿省志之誤沿革則撥隸詳考而不循舊乘政和元年撥隸允州建文二年奉議罷衛之非皆援据精確無忝信史他如風俗之美惡山川之險易物產之盛衰賦役之徵歛秩官之流襲兵防之漢土又纖細靡遺且一篇之中三致意焉誠足以昭示來許後之人得以考鏡得失講求政治所係大矣於是傅君以鈔本來請正併乞余序其端予惟斯土自元明以前雖隸版圖而荒裔遐陬尙闕聲教且地界交夷壤錯六詔儂智高倡亂廣源呂趙叛據向武交夷三道分兵雲岡溫州悉遭殺掠滇南二沈繼

亂歸順奉議屢被蹂躪皆其已事也

國家承平日久大化淪洽海隅日出罔不率俾苗頭來格官斯土者復能勸宣威德撫輯蒸黎尙何不靖之有然桑土綢繆不可懈也其尙柔遠能邇已治而益求其治乎予日望之

乾隆二十一年歲次丙子季夏兵部尙書總督兩廣右都御史遼海楊應琚撰

鎮安府志卷首

楊序

四

鄂序

洪維我

國家撫有區夏六合同風凡職方所掌聲明文物莫不載在典章班班可考間有一二遐荒絕徼志乘闕如此無他文獻無徵故也嶺南古百粵地山川綿互繡壤相錯而處粵之極邊西鄙惟鎮安稱天險焉考其形勝牂柯枕於北交趾連於西思太諸郡爲之襟帶左右其風俗則樸而未澹其人物則湮而勿著前此本屬土司自康熙初年改流僅以思恩通判遙領其地以故土俗相沿罔知軌物雖有循良亦祇因陋就簡相與抱殘守缺已

鎮安府志卷首

鄂序

五

耳維時雖欲溯所從來而藏書罕覩即故老亦無有能言之者泊雍正八年始立郡守乾隆六年復設天保縣以附之加以百餘年涵濡教育洗固陋而啟文明近則杯棹式化邊境敷圖矣又得賢司牧勤加撫輯鎮雖荒服不居然一雄郡哉前守沈君嘉徵偕天保令康君世德廣諮博採成志稿經前左江觀察沈君世楓校訂章程甫立體制聿新嗣相繼以秩滿去未付梓歲丙子首春余蒞膺

簡命移節粵西每懼疆圉遼濶不克周知迺據各郡縣繳有輿圖志書悉心披閱犁然在目夏四月鎮安傅君亦以

纂輯府志繕寫成帙問序於余余惟徵文者獻良吏之才易俗移風賢守之責傅君以薊北名進士來守是郡其宏才博識訂正考訛必有大過人者因於公餘覽其全稿分卷八分類五十大約繁蕪則汰之缺略則補之志地輿識巖疆之重志營建昭鉅制之新志賦役秩官則貢稅定而職守當嚴也志人物兵防則節義彰而干城攸寄也他若

宸章

奏疏麗詞鴻裁均足見經國之遠猷愛民之實政也一爲展卷披圖瞭如指掌既條分而縷析亦綱舉而目張不蔓不支有典有則以備稽考不信而有徵乎從此耳

鎮安府志卷首

鄂序

六

濡目染化及蠻方舉斯民漸摩而陶淑之不難易推髻而衣冠變獷悍爲馴雅又安見雕題黑齒之區不漸成食德飲和之俗哉余故深嘉傅守之賢且勤而樂觀其成也後之守此土者當興當革何去何從卽以是編爲前車之師也可爰弁數語以爲之序

乾隆二十一年歲次丙子十月巡撫廣西等處地方提督軍務兵部侍郎兼都察院副都御史長白鄂寶撰

德序

周官外史掌四方之志又有訓方氏掌道地圖誦訓氏掌道方志郡之有志尙矣鎮安郡所屬凡九土州五內地四幅員亦孔錯哉一日太守傅君來謁出新輯郡志示予且索予序予訝曰予聞輯內地志易輯土州志難輯政土爲內地志尤難蓋土邑與內地向者語言不通往來不接山谷異習衣食異宜既無文字之紀載又鮮父老之傳聞君欲比而合之其能憑空結撰乎傅君曰某無他術卽以志內地之法志之而已內地之有星野氣候山川關隘疆域風俗墟市賦役也固已而土州之

鎮安府志卷首 德序

七

星野山川終古未改也雖聯內地若犬牙其氣候亦略相近要各自有其疆域各成其風俗也互市納貢向亦羈縻未絕也關隘天成爲中華屏翰者自若也惟營建秩官人物兵防藝文諸項傳述絕少然可得志者志之不可得志者闕之以待可也至各志不載方言某則輯方言一帙以通其不通者此某所以成茲志之大略也予展而按焉見其舊者續之闕者補之誤者辨之雜者條之新者續之棼者貫之疑者闕之遺者拾之於內地諸邑固詳而土州亦未嘗略也且其中創立而大有功者惟方言一帙爲最蓋向惟言出殊方喉舌不相習故

鎮安府志卷首 德序

八

上之官府下之商旅往往無事則對面瞪目手作形勢而不能得其一中有事則通譯傳言顛倒播弄吏胥上下其手奸人奇貨是居此當其事者所怒目傾耳而無可如何者也自有此帙字不滿千言而括盡各土民日用飲食衣服器用之俗凡官於此旅於此者取而識之不過一二日之勞而夷音蠻語之字句俱已熟悉胸中而入耳了然無復受其欺亦無慮其情之壅矣則此帙也不可以導親睦絕罔詐爲中外合一之良法哉傅君曰雖然竊慚其不文耳予曰前乎此者漢儒已爲之矣且子未讀爾雅及周官注乎爾雅之甲曰闕逢乙曰旻蒙也寅曰攝提格卯曰單閼也以此釋歲陽歲名其可解乎周官注之引緯書也若威靈仰若赤熒怒若含樞紐若白招拒與汁光紀以此解五帝又可通乎何後之人或則奉之以爲經或則雖心知其誕而傳之亦已不衰也然則今日此地之方言傳之千百年後焉知不可以附稗雅及緯書之末流乎傅君曰然則此郡之風教人物他日亦或能肩隨上國乎予曰陶復陶穴執豕酌匏非周之故俗乎葦路藍縷披髮文身非楚與吳之舊風乎而辟雍鐘鼓觀聽者何以環橋而集也三墳五典八索九邱之才何以爭南金之品三吳衣冠駕華夏何

以至今未艾也賢守勉乎哉噢咻之軒輦之馴而變之
吾將並觀其化之成矣

乾隆二十一年丙子季夏長白德福撰於粵西藩署

鎮安府志卷首

德序

九

梁序

鎮安古百粵地漢屬交趾郡宋設宣撫司元爲路明爲
府其界北枕牂柯東南襟帶思太西南則六詔交趾
互鉤聯洵極邊一都會也我

國家威德誕敷幅員益廣雍正七年易倅爲守隸以思屬
諸州羈縻土職控馭外夷守斯土者審觀謠俗得其阨
塞險固曉然於厝注所宜用以振天綱而展地紘非有
郡志曷知梗概耶按周官外史掌四方之志漢班固志
地理著述家祖之顧徵文者獻殫力竭心非挂漏貽議
卽浮夸失實欲其萃羣勝於寸眸挈全裘於一領難矣

鎮安府志卷首

梁序

十

王新城云志以簡核爲得體康德涵武功志最稱於世
繼起者則有趙浚谷之平涼府志胡可泉之秦州志喬
三石之耀州志王漢陂之鄆志韓五泉之朝邑志劉九
經之郿志皆不愧作者又云明季馬應龍爲杞令纂杞
乘四十八卷又安邱志二十八卷最精贍有體其書具
在至今傳述藝林

聖朝

戶牖八荒指揮六服建旗旂於禹貢周職方之外火山
水寓錄我版圖蓋提封極盛而操管載事亦較前代爲
詳發以鸞翽揚以鳳采非得著作之手何以昭示無極
歟茲志創始於乾隆戊辰定稿於乾隆庚午而集成於

丙子年今守傅侯自地輿以至藝文釐爲八卷發凡起例徵信闡疑所謂事增於前而文省於舊簡核得體居然良史矣余奉

命

秉臬是邦歲管一易尙未能歷巡荒遠乃邊情疊俗不難展卷而稽恍置身於靈泉磐石間也後之覽者詳其沿革廢興采其風謠好尙優優敷政端賴斯編記曰禮從宜使從俗遷曰與民同好惡令順民心俗之所欲因而予之俗之所否因而去之則郡志一書其有關於治道民生非淺焉傅侯識所先務哉宜典鎮之多循績也乾隆二十一年歲次丙子九月既望廣西提刑按察使

關中梁修遠甫撰

鎮安府志卷首

梁序

土

富序

鎮安舊土府地今隸流官始爲判繼爲守治漢屬四土屬仍五乃西粵邊地其民蚩蚩不知文字前此因陋就簡無所事事我

朝風教遠被率俾荒服當事者復鐸鳴而拂拭之此邦之人月異而歲不同年來頻宮戕歲薦時舉閒有歌鹿鳴而來者顧斯地離京師九千餘里與交南錯壤其間愚狃不解世務酋長不知紀述宋明以上勿論卽百年事蹟所見異辭所傳聞又異辭何以譜往牒而昭來許及今不理則人往風微益遠莫稽矣此志乘之修治郡

鎮安府志卷首

富序

土

者所當亟務也余嵯使八年兩承秉憲雖鎮非巡歷所經而邊疆情形時縈心目間今夏太守傅君持志稿來質曰是役也前左江觀察沈公草創於前今博舊聞以補其缺核通志以正其訛集而成書爲卷有八請余爲序余午夜觀之綱舉目張釐然不紊以所見證所聞歷歷不爽從此攷鏡得失可以勵當官披覽美惡可以審民俗外控內綏并得險夷之形勢而權中堅捍衛之略則治一郡以率所屬此志之所關甚大且方言並載俚塗歌巷答亦覩風化而斷勘者更不淆於滑吏之手瑣筆苦心於此益見至名宦選舉不列專目副人物前後

以此邦改流未久人文初啟不得不懸以有待此余與傳君同慨然嘆而喟然思者夫貪蠱侈陋之俗巫鬼剽悍之習論者謂地氣使然不知地不囿人人自囿耳以骨利青邱之說較之鎮安尙在日月之中也海隅日出之區同此人同此性耳文翁之於蜀韓子之於潮夫豈易民而理者耶先民有言曰脩其教不易其俗齊其政不易其宜苟因而導之積漸而化之則邊隅鄒魯自成風草之偃惟願官斯土者慎勿鄙棄其人生斯土者亦毋委自菲薄也爰明斯志著述之義而并爲將來者勸焉是爲序

鎮安府志卷首 富序

十三

乾隆二十一年歲次丙子孟夏廣西分守桂平梧鬱兼理驛鹽使者富明安謹序

張序

禹貢敷土周禮職方班孟堅師其意爲漢書地理志所從來遠矣繼此日益明備有一統志有通志有郡志下之有州縣志惟郡志補一統通志所未詳而爲州縣綱維是史乘之樞郡志亦綦重哉粵西僻處天末文獻荒略輯志爲難况鎮安遠介絕徼改流未久雍正七年始設知府率所屬漢土奉職貢胙列郡而先特宋元一峇洞書契草創雖欲網羅散軼其道無由今滇臬沈公嘉徵領郡時率天保康令輩履地徵聞參傳諸說隨所得條具焉實爲志稿權輿迨靈壽傳君自南甯移守此邦

鎮安府志卷首 張序

十四

慨然踵成之公餘修飾釐定闕者補之地按其部事就其班星羅繩貫稱井井矣爲門若干各繫緣起益以緒論書成凡八卷將付梓以傳而丐序于余余惟境未親厯不知形勢之險要也地非周巡不知風土之敦龐也余奉

命觀察左江歷四年所始第攬圖經識梗概時復接見長吏

咨詢利病已耳乙亥冬乃巡視各郡自州邑至關隘輒迹殆遍見其煙戶漸稠田多膏腴雞犬桑麻之生井臼倉箱之具繁滋充積大略與內郡等而猺獞編氓迎伏道左喻以孝弟廉耻禮法之可樂無不率以取戾則皆